



Til adresseliste

Vår dato: 14 MARS 2013

Vår ref.: NVE 200900833-7 ki/saas

Arkiv: 312

Dykkar dato:

Dykkar ref.:

Sakshandsamar:

Silje Aakre Solheim

22 95 95 44

Kolåsåna Kraft SUS – Søknad om løyve til Kolåsåna kraftverk i Odda kommune, Hordaland – høyring

NVE har motteke ein søknad frå Kolåsåna Kraft SUS, datert 04.03.2013, om løyve til Kolåsåna kraftverk i Odda kommune.

Kolåsåna kraftverk vil nytte fallet i Kolåsåna og Stølsåna mellom kote 660 og kote 354. Det totale nedbørfeltet er 5 km² og middelvassføringa ved inntaka i Kolåsåna og Stølsåna er høvesvis 311 l/s og 116 l/s. Det vert etablert inntak på felles kotehøgde i Kolåsåna og Stølsåna. Ned til kote 550 vil det vere to separate vassvegar. Her vert vassvegane ført saman i ei felles røyrgate som går vidare til kraftstasjonen. Røyrkata skal gravast ned heile vegen. Kraftstasjonen er planlagt på kote 354 midt mellom utløpet til Kolåsåna og Stølsåna. Kraftverket vil få ein installert effekt på 2,1 MW med ein årleg produksjon på 6,2 GWh. Utbygginga er planlagt med minstevassføringsslepp på 19 l/s og 7 l/s i høvesvis Kolåsåna og Stølsåna.

Som tilkomst til kraftstasjonen skal ein nytte avkøyrse frå RV13 og eksisterande traktorveg. Denne vegen må forsterkast. Det er planlagt permanent veg i røyrgetraseen frå kraftstasjon til inntaka i Kolåsåna og Stølsåna. Nettilknytning skal skje gjennom ein 70 m lang jordkabel fram til eksisterande 22 kV linje.

Det er òg søkt om løyve etter energilova for bygging og drift av Kolåsåna kraftverk med tilhøyrande koplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Sigmund Jarnang på tlf. 90 58 54 86 eller e-post: sigmund.jarnang@clemenskraft.no.

NVE ber Odda kommune leggje to eksemplar av søknaden ut til offentleg ettersyn på tenestetorget i rådhuset i Odda fram til **14.06.2013**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggingsstaden.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest

Naustdalsvn. 1B
Postboks 53
6801 FØRDE

Region Øst


Vangsveien 73
Postboks 4223
2307 HAMAR

Vi syner elles til vedlagde informasjonsark som forklarar sakshandsaminga frå saka vert sendt på høyring til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner vert sendt oss elektronisk via www.nve.no/konsesjonssaker så snart som mogleg og seinast innan **14.06.2013**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Om fråsegna er lang, er det difor ein fordel om det vert utarbeidd eit samandrag som kan brukast til dette.

Med helsing


for Øystein Grundt
seksjonssjef


Silje Aakre Solheim
avdelingsingeniør

Vedlegg: 4 Søknad til kommunen
Kunngjeringstekst
Informasjonsark
Adresseliste

Adresseliste for: Bygging av Kolåsåna kraftverk

Handsamast etter: Vassressurslova

Vert kunngjort av NVE ved CIA Media Marketing 1 gong i: Hardanger Folkeblad

Tal på søknadar	Namn/adresser
3	Odda kommune, Opheimsgata 31, 5750 ODDA Fylkesmannen i Hordaland, Postboks 7310, 5020 BERGEN Hordaland fylkeskommune, Postboks 7900, 5020 BERGEN Naturvernforbundet i Bergen og Hordaland, Postboks 1201 Sentrum, 5811 BERGEN NJFF Hordaland, Tverrgt. 4-6, 5017 BERGEN Clemens Elvekraft AS, Erteløkka 3, 1384 ASKER BKK Nett AS, Postboks 7050, 5020 BERGEN Odda Energi AS, Røldalsvegen 74 B, 5750 ODDA Forum for natur og friluftsliv i Hordaland v/Bergen Turlag, Tverrgt. 4-6, 5017 BERGEN Odda/Ullensvang Turlag, Tverrgt. 4-6, 5017 BERGEN Statens vegvesen Region vest, Askedalen 4, 6863 LEIKANGER
1	Katarina Eftevand (TBM) Oddvar Indrebø (TBD) Seming Skau (ER)

- KUNNGJERING -

Kolåsåna Kraft SUS – Søknad om løyve til Kolåsåna kraftverk i Kolåsåna og Stølsåna i Odda kommune

NVE har motteke ein søknad frå Kolåsåna Kraft SUS om løyve til Kolåsåna kraftverk i Odda kommune.

Kolåsåna kraftverk vil nytte fallet i Kolåsåna og Stølsåna mellom kote 660 og kote 354. Det totale nedbørfeltet er 5 km² og middelvassføringa ved inntaka i Kolåsåna og Stølsåna er høvesvis 311 l/s og 116 l/s. Det vert etablert inntak på felles kotehøgde i Kolåsåna og Stølsåna. Ned til kote 550 vil det vere to separate vassvegar. Her vert vassvegane ført saman i ei felles røyrgate som går vidare til kraftstasjonen. Røyrkata skal gravast ned heile vegen. Kraftstasjonen er planlagt på kote 354 midt mellom utløpet til Kolåsåna og Stølsåna. Kraftverket vil få ein installert effekt på 2,1 MW med ein årleg produksjon på 6,2 GWh. Utbygginga er planlagt med minste vassføringsslepp på 19 l/s og 7 l/s i høvesvis Kolåsåna og Stølsåna.

Som tilkomst til kraftstasjonen skal ein nytte avkøyrse frå RV13 og eksisterande traktorveg. Denne vegen må forsterkast. Det er planlagt permanent veg i røyrkatetraseen frå kraftstasjon til inntaka i Kolåsåna og Stølsåna. Nettilknyting skal skje gjennom ein 70 m lang jordkabel fram til eksisterande 22 kV linje.

Søknaden vert handsama av NVE etter reglane i kap. 3 i vassressurslova, og gjeld løyve etter § 8 i same lov. Søknaden med vedlegg er lagt ut til offentleg ettersyn på tenestetorget i rådhuset i Odda kommune og på NVE sine nettsider www.nve.no/konsesjonssaker fram til høyringsfristen går ut. Viss de ønskjer papirutgåve av søknaden, kan de kontakte Sigmund Jarnang på tlf. 90 58 54 86 eller e-post: sigmund.jarnang@clemenskraft.no

NVE føretrekkjer at fråsegner vert sendt oss elektronisk via www.nve.no/konsesjonssaker så snart som mogeleg og seinast innan **14.06.2013**. I tillegg kan ein sende fråsegner per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo.

Fråsegner eller delar av fråsegna vert referert i eit endeleg vedtak. Dersom fråsegna er lang, er det difor ein fordel om det vert utarbeidd eit samandrag som kan nyttast til dette.



ORIENTERING TIL HØYRINGSPARTANE (revidert februar 2013)

Generelt

NVE er konsesjonsstyresmakt i saker som gjeld utbygging av småkraftverk (inntil 10 MW) og andre vassdragstiltak. Kongen i statsråd gir løyve til større kraftutbyggingar.

Denne orienteringa gjeld saker der NVE kan gi løyve etter vassressurslova § 8.

Handsaming av søknaden fram til endeleg vedtak

NVE handsamar dei fleste av søknadane i grupper, vanlegvis etter geografisk plassering. Dette effektiviserer sakshandsaminga samstundes som høyringspartane og NVE kan sjå søknadane i samanheng.

NVE sender søknadane på høyring til kommunar, fylkesmenn, fylkeskommunar, statlege forvaltingsorgan og interesseorganisasjonar som søknadane vedkjem. Høyringsperioden er vanlegvis tre månader for søknadar som blir handsama gruppevis, og minst seks veker for enkelt saker. Ein eventuell søknad om utsett frist må vere grunngeven. NVE ventar at høyringspartane gir fråsegn på sjølvstendig grunnlag. Vanlegvis blir det ikkje gitt løyve til søknad om utsett frist, dersom det kan forseinke sakshandsaminga.

Søkjar får høve til å kommentere innkomne fråsegner før NVE gjennomfører synfaring. Dei som har uttalt seg i samband med høringa, blir inviterte til å delta på synfaringa. I konsesjonsvurderinga veg NVE fordelar og ulemper mot kvarandre, jf. vassressurslova § 25. Olje- og energidepartementet har som overordna politisk styresmakt gitt retningslinjer for handsaming av små vasskraftverk. Desse er å finne på NVE sin nettstad: nve.no.

Dersom NVE gir løyve, blir det knytt vilkår til dette, jf. vassressurslova § 26. Vilkår vil omfatte mellom anna vasslepp, naturforvaltning, kulturminne, frist for bygging og sanksjonar ved eventuelle brot på vilkåra.

Kva forventar NVE av høyringspartane?

NVE ønskjer mest mogleg konkrete synspunkt på om løyve bør bli gitt eller ikkje, val av eventuelle alternativ og forslag om avbøtande tiltak. Fråsegner om energipolitikken til styresmaktene på eit generelt grunnlag, er av avgrensa nytte i sakshandsaminga.

Særleg der søknader blir handsama i grupper, ønskjer NVE synspunkt på den samla belastninga.

Dersom partane er kjend med tilhøve som det ikkje er opplyst om i tilstrekkeleg grad i søknaden, ønskjer NVE opplysningar om det.

Det blir forventa at kommunar, fylkeskommunar, fylkesmenn og andre styresmakter gir fråsegn med utgangspunkt i sine høvesvis ansvarsområde. Kommunane blir spesielt bedne om å vurdere søknadane opp mot gjeldande arealplanstatus.

Fråsegnene, opplysningane i søknaden og retningslinjene frå Olje- og energidepartementet er viktige for vurderinga og vedtaket til NVE.

Rett til motsegn og klage

Ein treng ikkje handsama energianlegg etter plan- og bygningslova, og det er ikkje lenger krav om reguleringsplan. For å ta vare på meininga bak motsegnsinstituttet i plan- og bygningslova, er det gitt reglar i energi- og vassdragslovgevinga om rett til motsegn og klage, jf. vassressurslova § 24. NVE vil understreke at ei eventuell motsegn må bli fremja i høyringsperioden. Sjå nettstaden vår for meir informasjon: nve.no/konsesjoner.

Partane kan klage på NVE sitt vedtak til Olje- og energidepartementet innan 3 veker frå det tidspunkt dei mottok orientering om vedtak. NVE syner til kapittel VI i forvaltningslova om klage og omgjerding.